

PREMIO DE LITERATURAS INDÍGENAS DE AMÉRICA PLIA

CONVOCATORIA 2019

Ipampa mawistililos iminweytekíw in masewalamoxihkwilohke yehika IN UNIVERSIDAD DE GUADALAJARA, IN SECRETARÍA DE CULTURA DEL GOBIERNO DE LA REPÚBLICA, IN SECRETARÍA DE CULTURA DEL ESTADO DE JALISCO (SCJ), IN SECRETARÍA DE EDUCACIÓN DEL GOBIERNO DEL ESTADO DE JALISCO (SEJ), IN INSTITUTO NACIONAL DE LENGUAS INDÍGENAS (INALI) WAN INSTITUTO NACIONAL DE LOS PUEBLOS INDÍGENAS (INPI), tenotsan ipan MOTLATLANILISTLI ITECHPA ASEWALAMOXIHKWILOLISTLI IPAN SEMANAWAK 2019, ika inin tlanawatili:

IK ACHTO: Ipan inin xiwitl 2019, inin Motlatlanilistli itechpa Masewal amoxihkwilolistli ipan Semanawak kiselis in asin kitlanis itechpa tlapowilistli (relato noso cuento), tlen moihkwilos itech imasewalnantlahtol in tlahkwilohki.

IK OME: Wel mokwikwiliske nochtin amoxihkwilohke tlein walewan santlein masewalaltepétl nikan Semanawak (América), amo mopowas axkan kanin chantin.

IK YEI: Itekiw in tlahkwilohki moneki kitenewas noso kinextis nochi tlanan noso nochi ineska imasewalyohkatilis tlen tlapalewis moskaltis, mochayawas wan mochikawas itlahtol wan imasewalnelwayo.

IK NAWI: Welis mopowas itechpa san tlen tlamantli, in tlahkwilolli wel kiplas se noso miyak sasanilli, yeseh in tekittl moneki kiplas 60 iamaixko ika masewallahtolli wan oksekin expowalli ika inekwepatlahtol ika inon tlahtolli tlen ok achi motekiwtia ipan itlanantsin, moihkwilos ika Arial, 12 puntos, wan interlineado tlen 1.5.

IK MAKWILLI: In akin kineki mokwikwilis wel kititlanis itekiw itechkopa internet, itech iamaixko www.cunorte.udg.mx/plia in kan kiihkwilos se machiyoamatl ika tlen motokaytlalis wan itechkopa pdf kititlanis inin amatl tlen moneki:

- In yankwik tekittl ika tlen mokwikwilis ika imasewallahtol ihkwilolo wan kimachiyotis ika itoka tlen amo yekmelaw.
- Inekwepatlahtol ika tlahtolli tlen ok achi motekiwtia ipan itlanantsin wan noihi kimachiyotis ika itoka tlen amo yekmelaw.
- In tlaa moneki welis mopepechalwis se tlahkwilolamatl tlen kimakas se nechikolli, se tlamachtilyan, se kalpolli noso se tlanan oloch tlen kipalewis in mokwikwiliani.

IK CHIKWASE: Itech okse archivo titlanilos tenawatilli itechpa iyektoka wan kanin moahsis in mokwikwiliani noihi titlanilos se amatl tlen tlanemachtis itechpa inemilis noso kenin kichayawtika wan kichikawitika itlahtol, inon tlanemachtilli pialos itech inon nechikolli tlen kiyakana inon iamaixko netokaytlalistli wan san motlapowas in tlaa moneki ixmachos in akin tlatlanis.

IK CHIKOME: Welis motokaytlalis in akin kineki mokwikwilis ihkwak kisas inin tenotsalistli, pewas ipan 6 de mayo wan tlamis ipan 26 de agosto ipan xiwitl 2019, 23:59 iman Mexihko Weyaltepétl. Amo akah wel motokaytlalis nion mokwikwilis satepa inon tonalli.

- IK CHIKWEYI:** Amo wel mokwikwiliske:
- I. Itlakawan Comisión Interinstitucional noso itekithkawan inon nechikolmeh tlen nikan tlanotsan.
 - II. Inechikohkawan tlamelawaloyan tlen kihtos akin tlatlanis.
 - III. In akin mokwikwiliwtika itech okse mokwikwilistli ika inewiyan tekittl noso kichixtika kimatis kox tlatlanis.

IK CHIKNAWI: Yeyih weyih tlamatinimeh itechpa tlahkwilolistli ipan Semanawak (omeh mexihkah wan okse tlatatl okse tlanantsin ichan) monechikoske itech tlamelawaloyan wan imintlahtol amo akah kiixnamikis.

IK MAHTLAKTLI: Tomin itechpa tlatlanilli san se wan amo moxehxelos, tlatlanilli yes \$300,000.00 (Sempowalxikipilli wan kaxtolonomxikipilli wan mahtlatsontli tomin) noso inewiyan tomin ika dólares, moneki monemilis keski ipatiw ipan 6 de mayo inin xiwitl, yeseh satepa inemawistilisiwi kimakaske inon tomin kiselis in akin tlatlanis.

IK MAHTLAK ON ACHTO: Ipan 10 septiembre inin xiwitl 2019 itechkopa se rueda de prensa momatis akin tlatlanis ipan inin mokwikwilistli.

IK MAHTLAK ON OME: Nemawistilistli iilwi in kanin momkas tlatlanilli mochiwas ipan 7 de diciembre itech 16:00 iman ipan salón 2 ipan Expo-Guadalajara ihkwak mochiwas Feria Internacional del Libro de Guadalajara ipan inin xiwitl 2019, ipan Guadalajara Xalixko, Mexihko totlatlsin.

IK MAHTLAK ON YEI: In akin tlatlanis kikawilis in Comisión Interinstitucional del Premio de Literaturas Indígenas de América ika melawak kiplas welitilistli ik kichayawas, kitenexitlis, teixpan kiixpantilis, kixehxelos noso kitemahmakas noso kichihchiwilis se amoxitl inon tekittl tlen ye otlatlan noso kichayawas itechkopa formato electrónico in kanin noso in kenin kipankwis inon Comisión, in yuh tlanawatilo wan in yuh wel kichiwas; wan noihi kiplas melawkayotl kitekiwtis inon tekittl yeseh mah amo kipanawi makwilli xiwitl.

IK MAHTLAK ON NAWI: In akin mokwikwilis moneki kiahxiltis nochi itlanawatil inin tlanotsalistli. In tlaa amo kiahxiltis se itlanawatil niman welis amo kisentokas mokwikwilis noso kikixtiske itech inin mokwikwilistli.

IK KAXTOLLI: Inon nechikolmeh tlen ikan tlanotsan amo kiplaske nion se imintlahtlakol in tlaa se mokwikwiliani kipankwis kitenextis itekiw noso kichiwas se amoxitl ika itekiw tlen nikan mokwikwiliani wan inkon amo kitlepanitlan in Ley Federal de Derechos de autor noso amo kiahxiltis okse tlamam tlanawatilli in tlaa ihkon mochiwas niman in totlanawatihkawan mah kimelawakan.

IK KAXTOL ON ACHTO: In nekwemololmeh tlen nikan amo tenewalo kiyekmelawas Comisión Interinstitucional del premio in kanin mosentlaliske imintlaixpantihkawan inon nechikolmeh tlen tlanotsan wan iminnepangkwis amo wel ixnamikilos.

Ik achi tenawatilli:

Universidad de Guadalajara
Coordinación General de Extensión
Unidad de Apoyo a las Comunidades Indígenas
Tel. 01(33)31342222 ext 11746

Universidad de Guadalajara
Centro Universitario del Norte (CUNORTE)
www.cunorte.udg.mx/plia

Secretaría de Cultura del Gobierno Federal
www.gob.mx/cultura

Instituto Nacional de Lenguas Indígenas (INALI)
www.inali.gob.mx

FERIA INTERNACIONAL
DEL LIBRO DE GUADALAJARA

Este programa es público, ajeno a cualquier partido político. Queda prohibido el uso para fines distintos a los establecidos en el programa